



Մ Ա Յ Ր Ա Թ Ո Ւ Ո Ւ Մ

ԱՅՍ ՏԱՐԻ Է՛լ ՄԱՅՐ ԱԹՈՒՈՒՄ ավանդական հանդիսությամբ անցան ամանորի և Ս. Մենդյան օրերը:

Հունվարի 1-ին, նոր տարվա առթիվ, Մայր Տաճարում հանդիսավոր սուրբ պատարագ մատուցեց և քարոզեց գերաշնորհ Տ. Սահակ արքեպիսկոպոս Տեր-Հովհաննիսյանը:

Հավարտ սուրբ պատարագի հանդիսավորապես կատարվեց Հայրապետական մաղթանք:

Սուրբ պատարագին ներկա էր Վեհափառ Հայրապետը:

Սուրբ պատարագից հետո, Վեհարանի դահլիճում, Վեհափառ Հայրապետը ընդունեց Գերագույն Հոգևոր Խորհրդի անդամների, Մայր Աթոռի ամբողջ միաբանության, վանքի պաշտոնեականների և Հոգևոր Ճեմարանի դասախոսական կազմի և ուսանողության սերտագին շնորհավորանքները:

Ներկաների անունից գերաշնորհ Տ. Սահակ արքեպիսկոպոս Տեր-Հովհաննիսյանը շնորհավորեց Վեհափառ Հայրապետի նոր տարին: Նոր տարվա առթիվ եղած շնորհավորությանց և բարեմաղթությանց պատասխանեց Վեհափառ Հայրապետը, օրհնեց բոլորին, մաղթեց խաղաղություն աշխարհին, բարգավաճում Մայր Հայրենիքին, պայծառություն Հայ եկեղեցուն և երջանկություն ու ստեղծագործ աշխատանք հայ ժողովրդին:

ՀՈՒՆՎԱՐԻ 2-ին, ՉՈՐԵՔՇԱՐԹԻ, ժամը 2-ին, Վեհափառ Հայրապետի հրավերով, Վեհարանում կազմակերպվել էր ընդունելություն ի պատիվ Գերագույն Հոգևոր Խորհրդի, Վերստուգիչ հանձնաժողովի և Մայր Աթոռի պաշտոնեական ամբողջ կազմին:

Ընդունելությունը անցավ շերմ ու սրտագին մթնոլորտի մեջ: Եղան սրտառուլ բարեմաղթություններ Վեհափառ Հայրապետի թանկագին կենաց արեւատության: Մայր Աթոռի անսասանության և Հայրենիքի բարգավաճման համար:

ՀՈՒՆՎԱՐԻ 5-ին, «ԺՐԱԳԱՆՈՅՑ ԾՆՆԴԵԱՆ» Օրվա տոնակատարությունները Մայր Տաճարում տեղի ունեցան հանդիսավոր իրադրություն մեջ հավատացյալների հոծ բազմության ներկայությամբ:

Ծրագալույցի երեկոյան մատուցվեց հանդիսավոր սուրբ պատարագ:

Սուրբ պատարագին ներկա էր Վեհափառ Հայրապետը:

ՀՈՒՆՎԱՐԻ 6-ին, ԿԻՐԱԿԻ, «ՏՕՆ ԾՆՆԴԵԱՆ»-Ի ՄԿՐՏՈՒԹԵԱՆ ՏՆԱՌՆ ՄԵՐՈՅ ՅԻՍՈՒՄՔՐԻՍՏՈՍԻ: Ս. Մենդյան հանդիսավոր պատարագը մատուցեց Վեհափառ Հայրապետը և քարոզեց: Հավարտ սուրբ պատարագի «Խորհուրդ մեծ» շարականի երգակցությամբ միաբանությունը բարձրացավ Վեհարանի Մաղկյա դահլիճը՝ շնորհավորելու Վեհափառ Հայրապետի Քրիստոսի Ս. Մենդյան հրաշափառ տունը: Ապա Մաղկյա դահլիճում, հայրապետական Իր դահլիճում բարգավաճ, նորից Ս. Օծություն Վեհափառ Հայրապետը ընդունեց Ճեմարանի դասախոսական կազմի, ուսանողության, վանքի պաշտոնեականներին: Մայր Աթոռի երգչախմբի և ժողովրդի շնորհավորանքները: Վերջում Վեհափառ Հայրապետը օրհնեց բոլորին, շնորհավորելով Քրիստոսի Ս. Մենդյան տունը:

ՀՈՒՆՎԱՐԻ 7-ին, ԵՐԿՈՒՇԱՐԹԻ, «ՅԻՇԱՆ ՏԱԿ ՄԵՌՆԵՆՈՅ»: Մայր Տաճարում պատարագեց հոգեշնորհ Տ. Մաշտոց արեղա Թադևոսյանը: Հավարտ սուրբ պատարագի կատարվեց հանդիսավոր հոգեհանգիստ «վախճանման և անմահության»:

ՀՈՒՆՎԱՐԻ 7-ին, ԵՐԿՈՒՇԱՐԹԻ, Հոգևոր Ճեմարանի վերատեսչության, դասախոսական

կան կազմի, Մայր Աթոռի շինարարական և վերանորոգչական գործերի հանձնախմբի և «Էջմիածին» ամսագրի խմբագրական կազմին ի պատիվ կազմակերպվել էր ընդունելություն Վեհափառ Հայրապետի մոտ, Ս. Մենդի կապակցությամբ: Ընդունելության ներկա էին գերաշնորհ Տ. Դերենիկ սրբազանը իր քրոջ հետ, պրոֆ. դոկտ. Կարո Ղաֆադարյանը, ճարտարապետ Ռ. Իսրայելյանը և ճարտարապետ Մ. Մազմանյանը:

Ընդունելության ժամանակ առաջինը խոսք առավ Վեհափառ Հայրապետը և, ծանրանալով Հոգևոր Ճեմարանի կատարած և կատարելիք դերի վրա, Իր գոհունակությունը հայտնեց Ճեմարանի աշխատանքների համար:

Ապա տեսչության անուսից խոսք առնելով հոգեշնորհ Տ. Մեսրոպ վարդապետ Անթարյանը, ծանրացավ Վեհափառ Հայրապետի եկեղեցաշեն և հայրենանվեր գործունեության վրա և ընդգծեց Վեհափառ Հայրապետի հայրական մասնավոր հոգատարությունը հանդեպ Հոգևոր Ճեմարանի:

Ճեմարանի դասախոսական կազմի անուսից խոսեց պ. Արթուր Հատիտյանը, շնորհակալություն հայտնեց Վեհափառ Հայրապետի այն սրտագին հոգատարության համար, որով շրջապատված է Ճեմարանի ուսանողությունը և խոստացավ հանուն դասախոսների արդարացնել այն բարձր վստահությունը, որը տաժում է Վեհափառ Հայրապետը Ճեմարանի ուսուցչական կազմի նկատմամբ:

Սրտագին բարեմաղթություններով ջերմ խոսքեր ասացին Վեհափառ Հայրապետին պրոֆ. Կ. Ղաֆադարյանը, ճարտարապետ Ռ. Իսրայելյանը և ճարտարապետ Մ. Մազմանյանը: Ապա խոսք առավ Դերենիկ սրբազանը և ծանրացավ Ճեմարանի առաջ դրված ազգային-եկեղեցական դաստիարակության հարցերի վրա՝ ճշմարիտ հայ մարդու և հոգևորականի պատրաստության գործում:

ՀՈՒՆՎԱՐԻ 13-ԻՆ, ԿԻՐԱԿԻ, «ՏՕՆ ԱՆՈՒԱՆԱԿՈՉՈՒԹԵԱՆ ՏԵԱՌՆ ՄԵՐՈՅ ՅԻՍՈՒՄԻ ՔՐԻՍՏՈՍԻ»: Մայր Աթոռ Ս. Էջմիածնում

մատուցվեց հանդիսավոր սուրբ պատարագ: Պատարագին էր հոգեշնորհ Տ. Խորեն վարդապետ Էլշուշյանը:

Սուրբ պատարագին ներկա էր Վեհափառ Հայրապետը:

ՀՈՒՆՎԱՐԻ 14-ԻՆ, «ՏՕՆ ԾՆՆԴԵԱՆ ՍՐԲՈՅՆ ՅՈՎՀԱՆՆՈՒ ԿԱՐԱՊԵՏԻՆ»: Մայր Տաճարում սուրբ պատարագ մատուցեց արժանապատիվ Տ. Մկրտիչ քահանան:

ՀՈՒՆՎԱՐԻ 20-ԻՆ, ԿԻՐԱԿԻ, Մայր Տաճարում սուրբ պատարագ մատուցեց հոգեշնորհ Տ. Նղիշե վարդապետը:

Սուրբ պատարագի ընթացքում կարդացվեց Վեհափառ Հայրապետի հունվար 14 թվակիր սրբատառ կոնդակը, ուղղված հայ հոգևորականության: Ապա պատարագիչը քարոզեց «Դուք էք աղ երկրի» բնաբանով:

Սուրբ պատարագին ներկա էր Վեհափառ Հայրապետը:

ՀՈՒՆՎԱՐԻ 22-ԻՆ, ԵՐԵՎԱՆԻ, պաշտոնական գործերով Մայր Աթոռ ժամանեց Շիրակի թեմի առաջնորդական փոխանորդ Ս. Կոմիտաս վարդապետ Տեր-Ստեփանյանը:

ՀՈՒՆՎԱՐԻ 27-ԻՆ, ԿԻՐԱԿԻ, Մայր Տաճարում մատուցվեց հանդիսավոր սուրբ պատարագ: Պատարագեց Շիրակի թեմի առաջնորդական փոխանորդ հոգեշնորհ Տ. Կոմիտաս վարդապետ Տեր-Ստեփանյանը:

Սուրբ պատարագին ներկա էր Վեհափառ Հայրապետը:

ՀՈՒՆՎԱՐԻ 28-ԻՆ, ԵՐԱՎՈՒՇԱՐԹԻ, թեմական գործերով Թբիլիսիից Մայր Աթոռ ժամանեց Վրաստանի թեմի առաջնորդի օգնական հոգեշնորհ Տ. Վահան վարդապետ Գալամդարյանը:

ԱՅՅԵԼՈՒԹՅՈՒՆՆԵՐ

ՀՈՒՆՎԱՐԻ 23-ԻՆ, ՉՈՐԵՔՇԱՐԹԻ, Մայր Աթոռ այցելեցին Չեխոսլովակիայի կինեմատոգրաֆիայի մի խումբ աշխատողներ: Նրանք եղան Մայր Տաճարին կից եկեղեցահանգիստական թանգարանում, ծանոթացան համարի ճարտարապետական առանձնահատկություններին: Հյուրերը գոհ տպավորություններով մեկնեցին Երևան:

ՀՈՒՆՎԱՐԻ 27-ԻՆ, ԿԻՐԱԿԻ, Մայր Աթոռ այցի եկան ռումինական Կուլժի օպերայի և բալետի թատրոնի մեներգչուհի Նկատերինա Վիկտորիչ և Վրացական ՍՍՌ ժողովրդական արտիստ Նիկոլայ Բելակնելին: Արվեստագետները այցելեցին թանգարանը, ընդունվեցին Վեհափառ Հայրապետի կողմից, ապա մեկնեցին լավ տպավորություններով: